

Sra. Maybeline Arends Croes

25 año aportando na nos cultura - musical

Scirbí pa: Joy Kock

Maybeline a nace na Aruba dia 27 di Maart 1945. Na año 1963 Maybeline a graduá na Colegio Arubano y a ricibí e diploma H.B.S - A. E mesun año el a sali pa Hulanda pa studia música, locual semper tabata su deseo. Maybeline a graduá na año 1968 y a ricibí e diploma "Muziekonderwijs Akte A" na Hilversum. Desde su regreso di Hulanda na año 1968 te awe, e ta docente di música na Colegio Arubano y I.P.A. Na October 1970 el a casa cu Karel Anthony Arends (Lito), kende tambe ta traha na Colegio como técnico.

Na November 1972 ta nace nan promé jiu hombre, Carl Anthony cu a muri den un accidente di auto na October 1973. Hopi penoso. Na Januari 1975 a nace Igor Ebyam, kende awor ta studiando "Electronical Engineering" na Estados Unidos. Na Februari 1978 a nace Giaira Sorina, kende actualmente ta bayendo Havo-3 na Colegio Arubano.

Maybeline a desplegá diferente trabaonan durante su 25 añanan como maestra di música:

- Augustus 1968/1993: Maestra di música na Colegio Arubano;

- Augustus 1969/1993: Maestra di música na I.P.A.;

- 1971 / 1993 : Maestra di música dunando les na cas, di cuatro, guitarra, piano y canto;
- 1969 / 1977 : Dirigente di "St. Fransiscus Koor" di Misa di Oranjestad;

- 1969 / 1993 : Dirigente di e coro hubenil "Tutti Frutti". E coro aki a canta na Corsow y Bonaire tambe.

- 1975 / 1985 : Dirigente di e grupo musical "The Singing Tweeties";

- 1978 / 1988 : Dirigente y manager di e conocido Grupo "The Young Voices"

- 1978 / 1985 : Dirigente y Manager di e trio di mucha "Los Tres Cochinitos";

- 1980 / 1983 : Dirigente y manager di "Brisa Nobo"

- 1968 / 1980 : Dirigente y manager Coro "The Sunrise"

- 1990 / 1993 : Dirigente y manager di e grupo "Crystal"

- 1989 / 1993 : Dirigente y manager di e grupo "Starlight";

- 1969: Dirigente musical



ORANJESTAD - Coro The Young Voices cual ta un di e promé coronan cu Maybeline Arends a dirigí éxitosamente pa varios año. The Young Voices a canta na Corsow y tambe na Bonaire y ta reuní pa ocasionnan special y asina compañ Maybeline na tur ocasion.

di "Amor di Kibaima" cu 11 presentacion den C.C.A. y uno na Corsow;

- December '83: Dirigente y productor di e programa di Pasco grabá pafó di studionan di Tele Aruba;

- 1976 / 1993 : Miembro di Comision Himno y Bandera

- 1986 / 1993 : Miembro di directiva di UNOCA

- 1987 : A duna un "workshop" di tres dia na Kleuterleidsters;

- 1987 : El a duna un "workshop" di 1 dia na leidsteman di chrèche;

- Maybeline ta yudando varios festivalnan di canto na Aruba:

- Festival Hubenil, Vozilandia, Festival Voz di Oro, Festilindo, Covia, Voz Supremo, O.T.I., Tumba di Mucha, Mini Merengue; Maybeline a dirigí hopi biaha coronan den diferente festival, tambe di O.T.I. na Aruba y Corsow; Maybeline ta fungi como dirigente, coach y producer di diferente solista y coro durante grabacionnan den recording - studio's na Aruba; Maybeline a yega di coach y guia diferente di nos artistanan local durante nan participacion den festivalnan den exterior e.o. Trio Huasteca, Edwin Abath, Lila Richardson, Shalene Tromp na Puerto Rico y Erica Giel na Corsow. Tambe e participantenan di O.T.I. durante O.T.I.- Antiyas na Corsow y Aruba y diferente otro song-festival na Aruba mes. Cu financiamiento di UNOCA, Maybeline a laga traha dos buki; un cu canticanan di Pasco y un buki cu cancionnan di Sinterklaas.

Actualmente e ta skirbiendo un buki "Muziek - didactiek" pa kleuterleidsters y maestronan di kleuter y scolnan básico na Aruba y Antiyas; A tene charla den Biblioteca Nacional over di música y over di Mo Tito; A traducí canticanan conof na Papiamento; A componé algun cancion, mas tanto canticanan di mucha. Esun mas conof ta "Llanto di Mama" (Pasco) riba letra di H. Booi; Tin produccion di disco 45 cu "Sunrise" y "Young Voices"; Tambe diferente produccion di cassette cantá pa coro "Tutti Frutti" y solista; Maybeline a participá na diferente congreso den exterior pa ampliá su conocimiento riba tereno musical; Tur año e tabatin un of dos ora di show di Pasco na Tele Aruba, patrociná pa Cocktail Musical, Cultura y Educacion, Gobierno di Aruba, Lago etc. Tambe show na Showtime y Cocktail Musical; Maybeline y su coronan ta canta den misa, (Bao Eucaristia) pa Primera Santa Comunión, pa confirmacion, pa matrimonio, pa entierro, pa ocasionnan special. Nan ta canta hopi serenata. Nan ta canta pa comedia di mucha, show di ballet, na C.C.A., pa instantianan caritativo, na restaurantnan, na hotel, Bonbini Festival, pa Sinterklaas, Pasco, Dia di Mama, Carnaval, pa negoshinan den tempo di Pasco etc. etc.; Tambe na Imelda Hof, Mariestella, Paviljoen, hospital, pa bishita di La Reina y prinses, pa Sábado Sensacional. Nan ta canta back up vocals y/o 2e stem pa diferente artista cu

a graba disco/cassette/c.d. den studio; Nan ta canta pa celebracionnan di 18 di Maart; Nan ta canta cu pista, cu orkesta of simplemente cu guitarra; Hopi di su alumnonan awor nan mes ta dirigí grupo of duna les den música of a bira cantante/músico profesional, of ta participá y gana na diferente festivalnan, of a bai sigui studia música of ta participá activamente den gruponan musical local; Na 1987 nan a filma cu Tele Aruba un bunita programa di 1 ora cu e coro "Tutti - Frutti", sacá na diferente bunita lugarnan conof na Aruba; Nan a canta pa e transmission di Television Japonés na Caribbean Hotel na 1987; Na 1988 nan a canta durante 1 siman largo den temporada di Pasco pa e "Kerstboom - actie", tur anochi den un otro distrito; Nan sa canta Pasco den Hospital, pasando di kamber pa kamber; Maybeline ta toca piano, guitarra y cuarta; Dia 5 di September 1993 nan a canta un bunita Misa na Oranjestad, cu actonan innovativo e "Nos Tata" y "Heal the World"; Desde 1991 Maybeline ta dirigí un coro di hombre "The Ambassadors" cu a presentá pa ocasionnan special; Na Juni 1993 Maybeline a bai congreso di "música y liturgia" na St. Louis U.S.A.; E Nos Tata cu ta composicion di Hildward Croes, a wordo cantá riba altar pa coro "Tutti Frutti" y e movecionnan di man a wordo hací aserca, cu ta pas cu e contenido di e oracion aki cantá. Tambe na final e grupo a sera cu "heal the World" na Papiamento unda e miembronan di Coro "Tutti Frutti" conhuntamente cu tur hende den misa a tene man y zwaai man uní, cantando e cancion aki. Tabata bunita y comovedor pa weita full e misa manera un solo pueblo di Dios uní ta canta hunto.

* Aparte di música Maybeline ta gusta: Hunga Volleyball, bowling, landa, bolas criollas; E ta gusta lesa buki di Danielle Steel; E ta gusta traha den hoffi cu mata; De vez en cuando, ora e tin tempo, e ta experimentá den cushina y purba traha bolo; E ta gusta hunga carta of otro weganen social E ta gusta

baila. Actualmente e ta siguiendo lesnan di folklore serca: Simadanza y Jazoo serca Monique Dumfries. Personalmente mi a traha hunto cu Maybeline den innumerable ocasion manera: produccion di television, festivalnan di OTI, Voz Hubenil, Voz di Oro, Voz Supremo. Den e record cu hamas por ser kibrá y por wel di bai den World Record Book of Guinness", Aruba a gana Corsow den tur festivalnan di OTI Antiyas, cu excepcion di uno. Den tur e festivalnan aki, Maybeline a dirigí coro. Sinembargo e experiencia di mas grandi cu mi persona y Maybeline a pasa den, tabata dia 17 di Maart 1976, mainta na momento cu sr. Betico Croes a yama nos y puntra, si Orquesta Aruba y un coro por canta nos Himno oficialmente pa promé vez na Aruba. E motibo cu sr. Betico Croes a asercá mi persona y Maybeline tabata, cu e coro cu mester canta e himno, a laga sa cu nan no ta canta mas. E mesun anochi, dia 17 di Maart, Maybeline a yama via telefon, tur su miembronan di coro hubenil y ami a yama tur e musiconan di Orquesta Philarmónico Aruba. Dia 18 di Maart 1976, 2:30 'or di merdia, den solo cayente, nos a train na Wilhelmmina Stadion y anochi nos a inaugurá nos Himno y nos Bandera a bula pa promé vez oficialmente. Nada no ta imposible cu e dedicacion necesario. E aporte di Maybeline, nieta di nos tesoro nacional, Motito q.e.p.d., ta enorme. Y conociendo Maybeline di serca, nos sa cu e lo sigui contribuí cu su conocimiento amplio na bienestar di nos Cultura - Musical y na su país natal en general. Maybeline, ricibí di nos tur cu tin años y años ta trahando hunto cubo, e mas caluroso pabien y cu nos Creador por duna abo y bo distinguida famia forza pa continuá cu e bunita y valioso trabaonan aki. □

**Bon Dia Aruba
PROME !!!**